

# MAHILA KISAN SASHAKTIKARAN PARIYOJANA



**TRANSFORMING AGRICULTURE  
TOUCHING LIVES**

**Mizoram State Rural Livelihoods Mission (MzSRLM)  
Rural Development Department  
Government of Mizoram**

## **THUHMAHRUAI :**

India ram mipui tam zawk hi lo neia inngat an ni a. Thingtlanga chuan za zela 79 te chu hmeichhe hnathawk thei an ni, chutih lai chuan za zela 67 te chu mipa hnathawk thei an ni. Ministry of Agriculture in kum 2012-a a tarlan dan chuan heng hnathawk thei te hi za zela 85 hi lo neitu rethei zawkte an ni. India ramah hian lo nei a eizawng za zela 33 te chu hmeichhia an ni a, tin, za zela 48 te chu mahni intodelh (self employed) an ni.

Lo neih lamah hian hmeichhia hian hnu hma nei lian ve hle mahse an chanvo chan tur ang an la chang pha lo nasa hle a. Chumai bakah mipa leh hmeichhe hlawh pawh a la in san hleih hle.

MKSP hi lo neih lama hmeichhe dinhmun chawikanna tur leh an chanvo te an chan theihna tura DAY-NRLM peng pakhat a ni.

## **MKSP lo pianchhuah dan :**

Ministry of Rural Development, Government of India thil tum ber chu thingtlang miretheite dinhmun chawikan hi a ni. Kum 1999-2000 leh 2011-2012 inkar khan Swarnajayanti Gram Swarojgar Yojana (SGSY) hnuai SHG dinte chu nuaih 1.76 atangin nuaih 29.51-ah a kai chho hman a. Amaherawhchu SGSY programme kalpui danah leh SHG enkawl danah harsatna leh diktawk lo lai tam tak hmuhchhuah tel a ni.

Hemi anih avang hian Prof. Radhakrishna Committee in a rawn ang in National Rural Livelihoods Mission (NRLM) ah leh a ni ta a. Ni 26<sup>th</sup> June, 2010 khan he mission hi ram pumah kalpui turin Cabinet in a pawmpui a ni. He programme hi ni 3<sup>rd</sup> June, 2011 khan kalpui tan a ni a, a hnuah Deendayal Antodaya Yojana-NRLM (DAY-NRLM) ti a thlak a ni leh ta a ni.

State hrang hrang heng Andhra Pradesh, Bihar, Kerala leh Tamil Nadu ten thingtlanga retheihna umbo tura hma an laktawhna te behchhanin DAY-NRLM chuan kalphung thar a rawn duang chhuak a. Tunhmaa thlan bik neia tanpuina inpek ang chi te chu a dawngtu tur ten anmahni duhthlanna hmanga an thlan ngei hmalaknaah tanpuina te chu inpek a ni ta thung a. Tin, mi retheiten an retheihna leh an harsatnate an hmachhawn theih nan sum leh pai a tanpuina mai bakah thiamthil tihhmasawna lamah te tanpuina inpek thin a ni. DAY-NRLM hian kum 8-10 hnuah district 600 chhunga chhungkaw vaibelchhia 8-10 inkar, block 6000, Gram Panchayat nuai 2.5 leh thingtlang khua nuaih 6 te tuam hman a tum a ni.

DAY-NRLM hian thlen tum bik neiin ruahmanna (plan) felfai tak a nei a, he mission in a hinchhuah (outcome) felfai tak a neih theihna atana ruahmanna te, a hun taka mamawh in pek te, theihna leh thiamna tihpun kawngah te, mi harsate an eizawna kawnga hma an lo sawn theihna atana thawhona thazawk neih kawngah te hian a insawr bing nasa bik hle a ni. He mission hian mi retheite an thiamthil leh eizawna tih changtlun te, daihrei zawk hmanga an retheihna umbo te a tum a ni.

Mirethei leh harsa zawkte dinhmun chawi kan nan hian DAY-NRLM chuan thingtlang chengker zawk ami te tan kalphung thar a duangchhuak a, he kalphungah hian community resource person (CRP) leh Professional Resource person (PRP) te awm in anni hian block ah lutin kum khat chhungin tum 5 round an nei a, SHG thar te dinin a ding tawhsa te an ti changtlung a, SHG dan zawm tur 'panga' te an zawm ngei theihnan an enkawl bawk thin. CRP's te hian Village Organization te an lo chak deuh theih nan an chhawmdawl a, an eizawna tih changtlun kawngah te, sum leh pai lama hamthatna an dawn theih nante tanpuiin an enkawl thin.

Mahila Kisan Sashaktikaran Pariyojana (MKSP) hi kum 2011 khan DAY-NRLM chuan hmeichhe ho bik tin zawnin, anmahni kuta dingchhuak thei ngei turin ruahmanna a siam a, hemi atan hian ran vulhte, Non Timber Forest Produce (NTFP) leh lo neih te chu DAY-NRLM hnuai hian hmalakna atan dah a ni. He program hian a tum ber chu agriculture eizawna hmanga hmeichhe dinhmun chawikan te, an thiam leh theihna te a lo pun theihna atan remchanna siam sak te hi a ni. Community Resource Person (CRP) te hi thingtlang mi eizawna (lo neih, ranvulh, NTFP) tih changtlunna kawnga tanpuitu leh hmala tha bertu a ngaih an ni bawk.

#### **MKSP thil tum :**

MKSP hian nasa taka zirchiang hmasa phawtin mipui mamawh tur a chhawpchhuak thin a ni. MKSP ruangam hian mi rethei ber ber leh harsa zawkte lo dinchhuah theih nana hmalak hi a thil tum lian ber a ni.

Dinhmun derthawng zawkte chawikan nan leh ei leh bar a hmasawna kawngah dinhmun pawimawh tak a luah a ni. DAY-NRLM hnuai ah hian mirethei zawkte chu eizawna chi khat chiah ni lo in eizawna chi hnih neih tir tum an ni a. Hei hian ei leh bar zawn kawnga dinhmun derthawn renga an awm na chu a nuai bo sak dawn a ni.

#### **Heng ho hmang hian chhungtin te eizawn na chu tihngheh tum a ni :**

Heng ho hi MKSP thil tum ber chu a ni -

- Daihrei zawk leh chhenfakawm zawk a lo neih
- Ranvulh
- Non Timber Forest Produce (NTFP)

## **LO NEIH – DAIHREI ZAWK LEH CHHENFAKAWM ZAWK IN :**

Lo neih hi India ram a thingtlang mi rethei tak takte eizawna lian ber leh langsar ber a ni. Hemi avang hian MKSP ah pawh hmalakna tura chhawpchuah a ni nghe nghe. Leilung hausakna venghim chung leh tichhe lo tur si te, daihrei zawk leh chhen fakawm zawk si a lo neih hi thingtlang mi retheite chhawmdawl na leh chawikan nan chuan tha ber a ngaih a ni. Tin, he program hian hmeichhiate chu agriculture ah tha an thawh ve a ni tih leh chhungkaw eizawng tu pawimawh tak an ni tih tarlan hi a tum a ni bawk.

## **RANVULH :**

Ranvulhtu rethei leh harsa zawk ten tun dinhmuna harsatna liantak an hmachhawn mek chu an ranvulhte an hriselna kawnga enkawl leh an ranvulh eizawna tihchangtlun leh tih hmasawn zelna kawngah te hian a ni.

Kum 2011-12 chung khan ranvulh eizawna hian GDP ah za zel a 25.58 vel a thawh ve hial a ni.

Hemi anih avang hian MKSP hian ranvulh eizawna pawimawhzia hi thingtlang mi rethei zawkte tana a pawimawh zia hi a a hrechiang hle. MKSP hnuai ranvulh hian agriculture tana tangkaina a neih ang bawk in agriculture hian kan ranvulhte tan tangkai letna tamtak a nei bawk a ni. Hmeichhe tana sumhnar dang anih mai piah lamah, leilung tichhe lo zawnga eizawna tha a tling bawk.

## **NON-TIMBER FOREST PRODUCT (NTFP) :**

Thingtlang mi tam takte hian eizawna atan NTFP hi an hmang nasa hle. Tunkum zabi kal ta chung khan NTFP a inngat chhungkaw zat hian tlakhniam lam pan lo in, a ngaireng a nihloh pawn sanlam a pan zawk hial a ni. Ramngaw hmunzau tak leh ramngaw hausakna a inngat chhungkua te an pun belh zel avangin NTFP hi chona lian tak a tling a ni.

Hei hi anih avang hian DAY-NRLM, Ministry of Rural Development Department chuan NTFP a inngat chhungkua ten hma an lo sawn theih nan a bik taka hmalakna a hnuai ami ang hian a kalpui a :

- a. Daih rei zawk leh chhen fakawm zawk a thar chhuah
- b. Lei chhuah a tam zawk theih nan a tharchhuahte sawng bawl dan tha leh changkaw zawk
- c. Bazara man sang zawk a hralhchhuah
- d. Hlawkzawh leh man sang zawk tura thar chhuahte buatsaih/sawngbawl

Hetiang hmanga a bik taka hmalakna hian NTFP a inngat chhungkua te dinhmun ti chang tlung in an eizawna te chu daih rei zawk leh chhenfakawm zawk in a siam thin a ni.

## **MKSP LAIMU :**

MKSP program hi DAY-NRLM leh SRLM/CBO/NGO te thawkho in ram pum a kalpui mek a ni a, heng agency te hi MKSP kalpuina hmun apianga chhawmdawlina leh enkawlina kalpui tura beisei an ni. Tualchhung mite chu mahni in enkawl theih tur a buatsaih tur an ni a, anni ho puihna in SRLM chuan hmalakna hmun hi chhawmdawlin an enkawl zui chho dawn a ni.

MKSP hi Ministry of Rural Development in DAY-NRLM peng pakhat ni turin leh hmeichhe dinhmun chawikan nan kum 2010-11 inkar khan a rawn kalpui a ni.

A thiltum ber chu daih rei zawk leh chhenfakawm zawka agriculture kalpui a, thingtlang lo neitu harsa leh rethei zawkte chhawmdawl a ni. Chumi atan a tihdan phung pawimawh (practice) te chu –

- Khawtlangin daih rei zawk leh renchem zawka lo neih. (Community Managed Sustainable Agriculture)
- Damdawi hlauhawm tell ova thlai sawngbawl (Non Pesticide Management) (NPM),
- Zero Budget Natural Farming (ZBNF)
- Ranvulh tute kawtkaija kalchilha enkawlina pe tu tur ran thian (Pashu Sakhi) siam
- Daihrei zawk leh chhenfakawm zawka ramgaw hausakna hmanga eizawn

MKSP in a tum ber chu sik leh sa tichhe lo zawnga tualchhung lo neitu te theihna leh thiamna tihpun a ni.

MKSP chuan hmeichhiate hi loneitu puitlingah a chhal a, an lo neih/huan siam te daihrei zawk leh chhenfakawm zawk anih theih nan an theihna tihpun a tum a, chhungkaw rethei ber berte thlen phak tum in loneitu hmeichhiate chanvo tihpun leh an dinhmun tihngheh hi a tum a ni.

## **ENGTINNGE MKSP HI DAY-NRLM HNUAIAH A KAL?**

Deendayal Antodaya Yojana-NRLM (DAY-NRLM) hian hmathlir lian tak a nei a, chu a hma thlir chu thingtlang chhungkua vaibelchhia 10 chuang kum 8-10 inkar chhunga thlen hman a ni.

Tunah hian chhungkua vaibelchhia 7-8 inkarte chuan lo neihte, ranvulh leh NTFP-te hi eizawna pui berah an hmang mek a, DAY-NRLM chuan chhungkaw tinte hi an chhungkaw eizawna a an mamawh te kum 6-8 chhungin puhruk hman a tum a ni. MKSP chuan heng chhungkaw rethei tak takte hi lo neih dan tha zawk, ranvulh dan thazawk leh eizawna tha leh rintlak zawk an neih theihnan kawng tha zawk kawhhmuh a tum a ni.

**MKSP thatna te :**

DAY-NRLM chuan kan ram thingtlang khawtin leh district tin hi kum 2021-2022 chung hian thlen hman a tum a. Thingtlangnu ho thiamna leh theihna tipungin anni kaltlang hian an thil mamawh te an kawtkai mai a chhawpchuah sak a tum a ni.

**MKSP hnuaiia zawm ngei tur te :**

1. Lo neilo leh lo neitu rethei tak takte hi MKSP kal tlanga tanpui.
2. Khawtlang chhawmdawl nan leh tih hmasawn nana lo neitu hmeichhia te lungphum a hman.
3. Hlo tur hmanglo tura in zirtir, NTFP remchem zawka hman leh changkang zawk leh changtlung zawka ranvulh dan in zirtirte a ni.
4. Chhungkua leh khawtlang ei leh bar lama intodelh theih nana hmalak.
5. Lo neih, NTFP leh ranvulh lama ti tha leh hlawhtlingte atangin CRPs leh Pashu Sakhis te ruatchhuah an ni ang a. Anni hi midangte kalphung tha zawk zirtirtu leh MKSP pawimawhna hrilh hre tu an ni ang.

**MKSP hnuaiia chungkaw rethei te tana hmathlir :**

1. Lo neih, NTFP leh ranvulh atangte hian eizawna atan pahnih tal chungkuain a kalpui ang.
2. NTFP hi ramngaw thatna hmuna cheng, a bik takin thingtlang hmeichhia te eizawna tlak a ni. Chuvang chuan NTFP hian Lac, Tasar Gum Karaya leh ramhmul damdawi thar chhuah te a huam tel dawn a ni.
3. Chhungkaw tin in ei leh bara intodelh nan a chuktuah huan siam.
4. Eizawna chikhat chauha inngat lo a kumtluan a sum lakluh anih theih nana eizawna dang tih kawp.
5. Daihrei zawk leh chhenfakawm zawka eizawna (sustainable practice) leh senso tlem zawk chung a thar chhuak tam zawk tura inbuatsaih.
6. Hetiang hmanga eizawna hian kum 3 chungin chungkaw sum lakluh chu Rs. 30,000-Rs. 50,000 inkar a pung tura beisei a ni bawk.

**MKSP hnuaiia thingtlang khua te tana hmathlir :**

1. Khaw tinah Non Pesticide Management (NPM) dawr pakhat tal a awm tur a ni.
2. Khaw tinah Custom Hiring Centre emaw Community Tool Bank emaw hawn tur ani.
3. Loneitu tana inzirna hmun (Farmer Field School) hi khawtlang huap in buatsaih a ni ang.
4. Thlai chi (seed bank) dahthatna din a ni ang.
5. Thingtlang khaw panga a group tinte tan pico-projector pakhat tal, training pekna a hman tur in a awm ang.
6. Khaw tin leh block tin a CRP-te hnathawh dan ruahmanna felfai tak a awm ang.

7. Ranvulh tuten an kawtchhuah ngeia tanpuina leh enkawlina an dawn theih nan Pashu Sakhi te hi uluk tak a zirtirna pek an ni ang.
8. Loneitu zawng zawngte hnathawh dan kimchang hi 'Krishak Diaries' leh 'Farmers Profiles' hmangin chhinchhiah vek a ni ang.
9. Project kalpui dan en thlithlai a, vilzui tur in V.O sub committee din a ni ang.
10. Tualchhunga lo neitu, ranvulhtu leh NTFP-a inngat chungkua te atanga titha leh hlawhtlingte chu an thiam leh theihna te tihpunsak an ni ang a, khawtlang tana thawk tura buatsaih an ni ang.

**Mi rethei te tana chhawmdawlina/hmalakna :**

MKSP ah hian mi rethei leh harsa tak tak ten chanvo pawimawh tak an chang a. Ram nei lo te, ram zim tak tak nei te hi khawtlangah za a 20% an tling hial a ni.

PIA te hian kut hnathawk tute hmasawnnan nasa tak in hna an thawk a, anni avang hian chungkaw sum lakluhah te, chungkaw ei leh bar zawn kawngah te hmasawna tam tak thleng tur a beisei a ni.

**Hmalakna hrang hrang te :**

- Ram hawhtir (Land lease)
- Chuktuah huan siam tihlar
- Thlai chi hrang hrang chin kawp (Poly-cropping model)
- Ranvulh tute kawtkaia zirtirna leh enkawlina Pashu Sakhi kaltlang a inpek.
- Lac/Tussar tharchhuah dan tha zawka inzirtir.

**Rethei zual te tana hmalakna tur :**

- Nitin eizawnga inhlawhfa chawpte chu anmahni eikhawp thar chhuah tir.
- An sum lakluh a pung ngei tur a ni.

**MKSP kalpui dan tur :**

MKSP hi DAY-NRLM leh a thawhpuite State Rural Livelihoods Mission/Community Based Organizations/NGOs leh PIAs ten ramchhungah an kalpui a. Hengho hian MKSP hnuaia khaw awm te chu enkawlin an vil reng tur a ni.

- MKSP chu DAY-NRLM thawhpui State Rural Livelihoods Mission/Community Based Organizations/NGOs leh PIAs ten an enkawl ang.
- Mi rethei leh harsa zawkte tan lo neih, NTFP leh ranvulh eizawna kawngah daih rei zawk leh chhenfakawm zawk kalpui.
- Community Resource Personsleh Pashu Sakhi te chherchhuah.
- Mirethei te tana model an siam hlawhtling tawh te CRP/Pashu Sakhi te nen tangkawpa mahni khua theuh a kalpui.

## **PROJECT IMPLEMENTING AGENCY (PIA) :**

PIA te hian MKSP kalpui anih danah leh hmalakna kawngah te hian nihna pawimawh tak chelhtu an ni a. MKSP project tantirh atanga tawp thleng hian hma la tu lian tak an ni. Tun dinhmunah chuan Mizoram State Rural Livelihoods Mission (MzSRLM) hi MKSP kengkawhtu tur an ni.

## **PIA nih theih dan :**

Hmeichhe pawl hrang hrang NGOs, CBO, CSOs, SHG Federation lo neih lama kaih nawih te, Panchayatti Rai Institutions, Women Development Corporation leh Government organization hrang hrangte chu PIA an ni thei a. Amaherawhchu an project siam te chu MKSP dan hrul a siam a ni tur a ni. A hnuai kan tarlan te hi an nei/ni tur a ni :

- Kum 3 chhungtal sustainable agriculture kalpuina/hmalakna kawngah experience nei an ni tur a ni.
- A tlem berah kum 3 kal ta chung khan cheng nuaih 25 an lalut tur a ni. (Audit report atangin)
- Lo neitu 500 tal a thawhpui tawh tur a ni.
- Khawtlang pawl hrang hrangte nen an thawk ho tawh tur a ni.
- Project in a mamawh ang hmanraw hrang hrang leh hnathawktu tur thiamna nei mihring a nei tur a ni.
- Dan angin an in register ngei tur a ni a. Politics kaih nawih an ni tur a ni lo, rinna lamah tih bik/thlei bik an nei tur a ni lo.
- Sawrkar department black list an ni tur a ni lo.
- Sum leh pai chungchangah te, hmanraw enkawl chungchangah te hlawkna insem rual leh dan zawm chungchangah te a langtlang tur a ni.

## **Tute nge CRP's te chu?**

Community Resource Persons (CRP's) te hi hmeichhe kut hnathawktu (Mahila Kisan) te zinga a titha leh taima bik te atanga thlanchhuah an ni a. Chhunglam atanga he project hlawhtlin theihnana lo thawk turte an ni.

## **CRP's te mawhphurhna tlangpui chu :**

- Hmeichhe kut hnathawktute hmalam pan tura an theihna khawrh chhuah.
- Huan leh lo neih dan changkang zawk leh daihrei zawk tur midangte hnena zirtir leh hrih hriat.
- Kut hnathawktu hmeichhe dangte theihtawp a tanpui, a bikin hun harsa leh khirh bik laia theihtawp chhuah pui.



Thingtlang khawchina a hnarkaitu ber leh project a hlawhtlin theih nana thawktu berte an ni.

Ramchung hmun hrang hrangah CRP's training pek tawhte hi mi 14000 chuang an awm tawh a, hna an kalpui tan mup mup tawh a ni. Heng mite bakah hian mi 400 chuang chu Para-professionals anga awm tawhin hmeichhe kut hnathawktu te an tanpui mek bawk a ni.

**Project pawm anih theih nana zawmtur :**

MKSP hnuai hian hmun khata in sawrbing bik tura hmalak thin chu kalpui a ni velo a, ram mipuite mamawh dan ang zela project hi pek chhuaha kalpui a ni zawk a ni.

**Project kalpuina atana SRLM tih turte :**

State mission hna pawimawh hmasa ber chu PIA te uluk taka thlan leh endik a ni. Mirethei leh harsa zawkte hmasawna atana thawk mekte atangin PIA hi zawnchhuah an ni a. Hei hian mirethei leh harsa chungkua a nu hote tana eizawna tihhmasawn chungchangah nasa takin kawng a ti awlsam dawn a ni. Hemi tihlawhtling tur hian SHG lo awm sa te thawhpui a ni nghal bawk ang.

**MKSP hnuai project sanction anih theih nana zawm tur tlangpuite chu :**

1. A ruangam leh kalpui dan tur duanfel anih hnuah state mission te endik tura thehluh a ni phawt a. Heng rawtna te hi state in a mamawh dan tura endik leh MKSP mil tura her rem leh a ni. Tun dinhmunah chuan SRLM in proposal siamin central (Ministry of Rural Development) lamah an thawn thla mai thei tawh.
2. He project hi state in a pawm hnuah MoRD hnenah endik tura thawn leh a ni.
  - Project kalphung state pawmpui tawhte chu MoRD hnuai hian kumkhat chungin chhawng hniha endik an ni.
  - Heng chhawng hniha te hian MoRD mi leh sa ten a bulthut atangin endikna an tan a, chungte chu-
    - i) He project hi state in a pawmpui tak tak em.
    - ii) PIA te hian MKSP kalphung tihlawhtling turin theihna an nei tak tak em.
    - iii) An kalpui dan tur duan lawkte hi hun rei zawk atan leh sik leh sa tibuiilo zawng a ni em tih leh ramngaw ti chhelo zawng a ni em tih endik a ni bawk.
  - Hemi hnuah hian he project hi dawhkan hmaah pharha endik leh a ni phawt a. A endik tur hian mithiam thlan bikte bakah state lam mi leh NMMU lam mi, DAY-NRLM hnuai ami ve ve te ruat an ni.
  - Hemi hnuah hian project thlanbik te chu a hmunah zirchianna neih leh a ni a. He zirchianna neitur hian mithiam thlan bikte emaw, project or community resource person

te bakah state sawrkar thlanbik te ruat an ni. A hmunah zirchianna atanga project tin tana rawtna leh thutlukna report chu mithiam bik ten an siam leh a ni.

- Heng project te hi a hmuna endik annih hnuah kalphung zawm tur te a zawm thlap a ni tih finfiah hnuah, Project Screening Committee (PSC) te endik leh pawmpui tura dah leh a ni.
- PSC ten an pawm hnuah Project Approval Committee (PAC) endik leh pawm tura dah leh a ni.
- PAC in an pawm hnuah, coordinating agency leh PIA ten inrem siamna (MoU) an ziak fel a. Chumi hnuah chuan Central in an share tur 1<sup>st</sup> Installment an pe chhuak thin a ni.

### **MKSP rahchuah tura beisei :**

Huan leh lo neih dan changkang zawk leh daih rei zawk tihlar leh uar tura in zirtir bakah sik leh sa tibuai lo zawnga kalpui dan leh ramngaw atanga kan hmuh theih thil, chakkhai phuhruk nana kan hman theihthe renchem chungchang in zirtirnaah CRP's te hi an pawimawh em em a ni. Khawtlang tana mi tangkai leh khawtlangin an ngaihsan CRP's siamchhuah hi MKSP project in sawhngheh nan tih ngei tul a ni. Hei hian a hmaa project an kalpui dan thin nilo in, khawtlang in a mamawh dan zawka kalpui turin nasa takin a pui dawn a ni.

He project hi hlawhtling taka kalpui anih theih nan State Mission te chu nuho eizawna tihchangtlung leh tihhmasawn chungchangah a bul tantu leh a thawktu ber ni thei se duhthusam a ni. Chutianga kalpui theih anih chuan heng rahchhuah duhawm tak hi hmuh theih beisei a ni.

1. Khawtlang tana thawktu, khawtin atangin CRP zawn/chherchhuah an ni ang. Heng mite hi khawtlang tana mi tangkai, midangte (a bikin mirethei leh harsa) te hnena kut hnathawh dan changkang zawk leh daihrei zawk tur zirtirtu an ni ang. Hei bakah hian ramngaw atanga kan hmuh theih chawhmeh, thei leh a dangte renchem leh enkawl chungchanga midangte zirtirtu an ni ang. Ran enkawl kawngah pawh midangte rawn theih an ni baw ang.
2. Mirethei chungkaw tin tan an eizawna (a bikin kuthnathawh kawngah) tih changtlun sak an ni ang.
3. He hmalakna in a huamchin in tinah chungkaw mamawh phuhruk khawp chaw tha a awm vek ang.
4. Heng chungtin te kum khat lakluh hi nasa takin a lo pung tawh dawn baw a ni.

## Success Story :

Loka Kalyan Parishad (LKP) hi Kolkata a in bengbel, khawtlang tana thawktu pawl an ni a, he pawl kaihraina hian MKSP chu West Bengal a district pangaah kalpui a ni. Kanchona Das hi hmeichhe kut hnathawktu Birbhum district chhunga khawte reuhte pakhat, Bagtore khua a cheng a ni.

Kanchona-i hi a pasal leh fate nena chengho an ni a, a pasal hi nitin a inhlawhchawp a eizawng thin a ni. Ram zimte acre 0.4 vel an nei ve a, hmun thum a then a hmun hnih chu buh chinnan an hmang a, a bang chu leipui siam nan an hmang thung a ni. Hei bakah hian an ram aia a let hnih vela zau chu buh chinnan an hawh bawk a, heng ram tam zawkte hi tuilak hmanga chawm an ni a, a bang tlem a zawng erawh chu ruah tui hmanga chawm an ni thung.

Kanchona-i te chhung hi an harsa ve em em a, eichawp tur tharchhuah tak ngial pawh a harsat a ni. Hei hian an chhungkaw nunphung a tibuai thin hle a, midang hnuai inhlawh chang pawh a nei fo. A fate sikul a kal mumal tir theihloh bakah ramhawh tur tak ngial pawn an neihin a tlin lo a. Heng bakah hian a lehkha thiamlohna leh a thil hriatchian loh vangin SHG zawm pawh a ngam lo a ni.

LKP te hian Kanchona-i hi MKSP kaltlang in an pui ta a, hemi hnu hian Pritilata SHG te zawm in nasa takin hma a sawn ta a. LKP te hian thlai chi dahkhawmna a mi thlai chi tha te lak khawmsak in hma an lakpui ta a, heng bakah hian sumkhawl dante an zirtir a. Hei hian rah chhuah duhawm tak a nei ta a, a hmaa alo hriat ngailoh khawtlang intawm theih huante, thing leh mau ti chereu lo zawnga thlaichin te bakah sangha khawidan chenin alo thiam ta a ni. Hemi hnuah hian ramte hawhin thilthar a hriatbelh bakah training atangin thlai leh thilnung dang atanga leitha siam dan leh hmandan te a hriat belh zel a. Heng a thilzir leh thiam tharte hian nasa takin an thlai thar alo tihlawk ta a ni.

LKP te puihna zarah Kanchona Das-i nun chu nasa takin alo inthlak ta a. Ei leh bar kawngah an intodelh a, an thlai thar pawh nasa takin alo pung ta bawk a. Heng bakah hian a thil thiam leh hriat thar atangin hma a la zel a, hei hian an chhungkaw dinhmun pawh a kum telin a chawi kang ta zel a ni.

An hnathawh atanga heng hlawhtlinna an hmuh hian LKP te pawh nasa takin phurna a pe a, zau zawka hma la zel tur leh, hmeichhe kut hnathawktu (Mahila Kisan) tam zawk pui turin tan an la zel a ni.